

INUIT ATAQATIGIIT INATSIARTUNI



UKA2023/81

Ulloq saqqummiivik: 18.Okt.23

Illit atit: Mariane Paviasen

Takornariaqarnermik inuussutissarsiuteqarnermi akuersissutinik tunniussisarneq qanoq pitsanngortissinnaaneripput aammalu taamatut tunniussisarneq nunatsinni takornarialerisunut naapertuuttumik ingerlanneqartarnersoq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasorta q Aqqalu C. Jerimiassen, Atassut)

Oqallititsiniartup takornarialerisunut nunaminertanik atuinissanik akuersisummik tunniussisarneq oqallissaarusiaraa.

Ukiuni kingullerni takornartaajunnaarnikuuvoq takornarialerisut suliffeqarfiuteqarlutik nunatsinnut aasaanakkut tikeriarlutik takornarissanik sullisseriarlutik nunaminnut angerlarlutik ukiiartortartunik.

Kujataani takornartaajunnaarnikuuvoq nunami allamiit takornariartitsisut ilaatigut arlariinnik illuuteqalernikuullutik.

Inuit Ataqatigiit sinnerlugit uani qinigaaffimmi takornarissanut tunngasunik oqallissarusiornikuuvugut pingaaruteqarluinnartutullu isigaarput takornarialerinerimik inatsimmik ataasiusumik ataatsimoortumik nalorninaatsumik pilersitsisoqarnissaa.

Oqallissaarusiarisatsinnilu inatsisissap taasumap maanna Naalakkersuisunit suliarineqartup imarisassaannut ilanngunneqarsinnaasunik maani inersuarmi Partiit tamarmiulluta oqallilluarpugut.

Takornariartitsisarnermik ineriartortitsinissamut aningaasanik tapissuteqartarpugut, takornariartitsinerimik ingerlatsisut nunani allaniit tikillutik aasaanakkut suleriarlutik nunaminnut ukiiartortartut amerlatsikkiartorput, taamaammat inatsisissaq nukinnginnartuuvoq.

Ippassaaneeraq tusagassiarineqartoq nuannaajallannartuuvoq kujataani nannunik takornariartitsinerimik ingerlatsinissamut akuersisummik pissarsisoqareerpoq taannalu siuariarnertut oqaatigisariaqarpoq.

Nunaqavissut periariarfissaat, inatsisissatut siunnersuuteqalersaarneq tikingitsoorsinnaanngilarput:

INUIT ATAQATIGIIT INATSIARTUNI



Oqallissaarisup oqallisigitinniagaa takornarialerisut nunaminertanik tunineqartarneranut tunngasumik aggerfinni Narsami pisoq assersuutissaqqissuuvoq:

Nunatta avataaneersut piniariartitsinermik takornarialerinerimik aasaakut tikillutik ingerlatsisalerikuupput, angallassillutik piniariartitsillutik, nunaqavissorlu taamaatut ingerlatsiniarluni aallartinniaraluaq manna tikillugu ilungersuuteqarpoq, aallartisarniarnermini aporfiit arlalissuit aqqusaarpai, qinnuteqaatimini piunasaqaatit naammasisorigunigit, kingunerisarpaa allanik piunaffigineqaannartarluni, pissutsit tamakku qaangertariaqarparput, nunatta inuisa piginnaanilippassuusut ullutsinni imminut pilersorusullutik ingerlatsiniarnerminni aporfigisaat periarfissanngorlugit suliarineqartariaqarput sukkasuumillu suliarineqassappata naalakkersuisutta tamanna suliarinnaavaat kinguneqartussamik.

Inuit ataqatigiinni isumaqarpugut nunami maani sutigut tamatigut nunaqavissut salliunneqartariaqartut, nunaqqatigut piunassusillit periarfissaminnik ujartuisut oqinnerusumik aallartisarsinnaaqullugit oqinnerusumik sullinneqarsinnaasariaqarput.

Oqallissaarisup isumaa naappertorlugu nunaminertanik atugassiisarnermi agguasarnermi piunasaqaataasasoq qimerlooqqilaassallugit annertuallaaminngooq inorsissimaneluta misissortariaqaripput, eqqarsaatiginerparpaa qangali tuttunniartarfiit kinguaariini kingornuttakkat kalluarneqarpallaannginnissaat namminersortut inuussutissarsiortullu naammagisimaarinnissinnaasassanik inisseeqqatigiinnikkut.

Naalakkersuisut Inatsit allannngortinniarlugu suliaq aallarereeraat, akissutigineqarpoq, 2024-mi ukiakkut ataatsimiinnermi saqqummiunniarlugu oqaatigaat suliap taassumap takkunnissaanut qilanaarpugut neriulluarlatalu.

Qujanaq